

# Pembukaan karnival meriah

*Pelbagai aktiviti menarik disediakan, peluang bertemu artis dan novelis*

KAMARUL HALIM M KAMAL

**BATU PAHAT** - Walaupun baru hari pertama karnival yang dianjurkan secara bersama oleh Pusat Alumni Universiti Tun Hussein Onn Malaysia (UTHM) dan Kumpulan Media Karang kraf (Karangkraf), namun kemeriahannya telah dirasai.

Penuntut UTHM, Norbaizura Ismail, 20, berkata, dia teruja dengan adanya karnival berkenaan terutamanya jualan buku, novel dan juga majalah yang diadakan sepanjang Karnival Homecoming Alumni UTHM bersama Karang kraf.

Katanya, penuntut boleh membeli bahan bacaan dengan harga lebih murah.

"Jualan buku antara yang menarik minat saya dan kawan-kawan, saya boleh mendapatkannya dengan harga lebih rendah, selain beberapa gerai jualan lain seperti baju, tudung," katanya.

Sementara itu, seminar berkaitan perniagaan secara online turut diadakan khusus untuk penuntut UTHM, yang disampaikan penceramah jemputan oleh Karang kraf, Engku Anwar Hilmi Engku Zainal Abidin.

Engku Anwar berkata, ceramah diadakan bagi mempelbagaikan perniagaan penuntut terutama mereka yang berada di ta-



Akhbar Sinar Harian menjadi pilihan utama pengunjung.

Sebahagian mahasiswa UTHM yang sanggup beratur panjang untuk mendapatkan bahan bacaan kegemaran mereka.

hun akhir pengajian.

Katanya, ia juga sebagai persediaan menghadapi alam pekerjaan kelak supaya mereka tidak menganggur dan mempunyai pendapatan sendiri.

"Saya lihat ada sesetengah penuntut mempunyai kemahiran tertentu dan boleh dikembangkan menjadi perniagaan secara online, cuma mereka tiada kemahiran atau platform untuk mempromosikannya.

"Dengan adanya kemahiran menggunakan internet atau se-

cara online seperti menggunakan Google, Youtube dan elemen sosial media lain, mungkin perniagaan mereka akan memperoleh kejayaan," katanya

Hasil tinjauan semalam, penuntut, staf dan penduduk setempat tidak putus-putus mengunjungi karnival berkenaan.

Untuk hari ini, pelbagai lagi aktiviti menarik bakal berlangsung termasuklah sukan di kalangan Alumni UTHM sendiri, selain peluang bertemu artis jemputan dan juga novelis dari Karang kraf.



Novel turut menjadi pilihan utama.



Norbaizura Ismail menunjukkan antara novel yang menjadi pilihannya semasa karnival di UTHM, semalam.



Mahasiswa UTHM teruja dengan bahan bacaan yang terdapat di karnival.